

古逸丛书

古逸丛书

覆卷子本唐開

元御注孝經

古逸叢書之五

古義叢書卷八

遵義黎氏校刊

古義叢書卷八

御注孝經序



左散騎常侍軍麗正殿直學士臣元行冲奉勅撰

縣開國公臣元行冲奉勅撰

大唐受命百有四年皇帝君臨之十載

也赫矣皇業康哉帝道万方宅心四隅

來暨握黃炎堯禹之契欽日月星辰之

鐘

序提衡而運陰陽法繇而張礼樂車服
必軌聲明偕度所以振國容焉儀宿賦

班詳韜授律所以清邦禁焉配圓穹而

比崇帀環海而方大无文咸秩能事斯

畢惟德是經惟刑之恤笙簧肅穆頌鱗羽

暉禎申耕籍以勸農飾膠庠而訓胄優

勞庶績緝熙眷圖聽政之餘從容文史
緹紬緙竹岳仞銅龍之殿舒向嚴收雲
驤金馬之闥或散志篇述或留情墳誥

以為孝者德之本教之所由生夫子談
經文該旨頤諸家所說理藹詞繁爰命
近臣疇咨儒學搜章摘句究本尋源鍊

康成安國之言銓王肅韋昭之訓近賢
新注咸入討論分別異同比量踈密愬

編呈進取正天心每伺休閒必親披校

滌除氛薈褰摭菁華寸長无遺片善

必舉或削以存要或足以圓文其有義

疑兩存理翳千古常情所昧玄鑒斯通

則獨運神襟躬垂筆削發明幽遠剖析
毫釐目牛无全示掌非著累葉堅滯一
朝永釋乃勅宰臣曰朕以孝經德教之
本也自昔銓解其徒寔繁竟不能覈其
宗明其奧觀斯蕪漫誠亦病諸項與侍
臣參詳厥理為之訓注彙闡微言宜集

學士儒官會議可否於是左散騎常侍

崇文館學士劉子玄國子司業李元瓘

著作郎弘文館學士胡皓國子博士弘

文館學士司馬貞左拾遺太子侍讀潘元

祚前贊善大夫鄂王侍讀魏處鳳大學

博士郊王侍讀郊享大學博士陝王侍

讀徐英招前千牛長史鄆王侍讀郭謙
光國子助教鄆王侍讀范行恭及諸學
官等並鴻都碩德當代名儒咸集廟堂
恭尋聖義捧對吟咀探紬反覆至于再
至三勸色相歡昌言稱美曰大義堙鬱
垂七百年皇上識洞玄樞情融繫表革

前儒必固之失道先王至要之源守章
疏之常談謂窮涯俟覩蓬瀛之奧理方
諭高深伏請頒傳希新耳目侍中安陽
縣男源軫曜中書令河東縣男張嘉貞
等奏曰天文昭煥洞合幽微望即施行
光采葉其序及疏並委行冲循撰制曰

可伏以經言簡約妙理精深貴賤同珍

賢愚共習故得上施黷契遠被蒼恨至

根

若象位止山壞孔子宅義曾參至孝之

性陳宣父述任之由漢魏相弘曾無異

說此經斟酌略不為疑凡諸發揮序所

作意、既先見今則不書微臣朽老猥

職墳籍思塗艱窒才力昏無震光曲
臨推謝理絕晞大明而挹耀願霄燭
而知慙勉課庸音式遵明制敢題經首
永贊鴻徽云余

孝經 御注

開宗明義章第一

仲尼居

仲尼孔子字居謂間居也

曾子侍

曾子孔子弟子侍謂

待坐也

子曰先王有至德要道以順天下

民由和睦上下無怨

孝者德之至道之要也言先代聖德

之王能順天下人心行此至要之化則上下臣人和睦无怨也

汝知之乎

曾子避席曰參不敏何足以知之

參曾子名

也禮師有問避席起答也敏達也言參不達也何以足知此至要之義也

子

曰夫孝德之本也

人之行莫大於孝故為德本也

教之

所由生也

言教從孝而生也

復坐吾語汝

曾參起對

故使復坐

身體髮膚受之父母不敢毀傷孝

之始也

父母全而生之已當全而歸之故不敢毀傷也

立身行

道揚名於後世以顯父母孝之終也

言能

立身行此孝道自然光榮其親故行孝以不毀為先以揚名為後也

夫孝

始於事親中於事君終於立身

言行孝以事親

為始事君為中孝道著乃能揚名榮親故曰終於立身也

大雅云無

念尔祖聿循厥德

詩大雅也無念念也聿述也厥其也義取

恒念先祖述循其德也

天子章第二

子曰愛親者不敢惡於人

博愛也

敬親者